

大毘舍離經

卷二

百七十九  
彼二

48556



元祿九年丙子二月日重修

皇圖肇固 帝潛銀昌

佛日增輝 懋輪崇轉

山城州天安寺法金剛院置



大法炬陀羅尼經卷第二

彼

隋天竺三藏法師闍那崛多等譯

授魔記品第三

三乘行品第四

問法性品第五

菩薩行品第六

授魔記品第三

阿難今時放光如來告魔王言闍致汝今乃



能發大勇猛具足精進當固汝心勿違本志

如護戒者自誓莊嚴心所願求莫不成就阿

難時放光佛知諸魔眾精進淳固一切不退

菩提之心以是因緣即便微笑佛微笑已時



彼衆中有一菩薩摩訶薩名爲月上此菩薩  
者亦是放光如來爲菩薩時同行善友常相  
隨逐時彼菩薩從座而起偏袒右膊右膝著  
地合十拍掌白言世尊何因緣故而復微笑  
諸佛世尊凡爲微笑必有因緣若無因緣終  
不笑也唯願世尊爲我解釋阿難時放光如  
來即告月上菩薩言汝今見是諸魔衆不月  
上荅言唯然已見佛言摩那婆此諸魔衆見  
我眉間放大光明雖居欲界發寬大心以是  
因緣過恒河沙劫當得成佛皆同一号名無  
思光其佛住世大作利益若有衆生見彼佛  
者一切不退菩提是心作利益已入般涅槃



佛涅槃後世界諸魔大興供具供養彼諸如  
來及聲聞大衆是諸魔等在諸俗人所任之  
處於其夢時隨所應見現種種形或現長者  
或現居士或現沙門或現婆羅門或現梵王  
或現菩薩現如是等種種形已若彼衆生心  
懷迷惑爲說法要除其疑網因而告曰汝等

捨家汝等出家如來世尊出於世間應受供  
養天人所尊能拔諸苦等與快樂我蒙佛故  
今亦獲安彼魔如身現大神通化諸居士優  
婆塞等增信歡喜然後說法教令發心尊重  
供養如來大衆發大誓願具修精進所作功  
德一切迴向無上菩提終不墮於二乘之地

凡所教化唯勸修行六波羅蜜云何復有諸  
魔事也當尔之時一切衆生受大安樂如切  
利天衆諸衆生中佛弟子者身心安樂如帝  
釋天王尔時魔衆皆成佛已一切衆生等受  
大樂於彼刹土具諸香華皆如天上波利耶  
多拘毗陀羅樹華一切莊嚴無有缺減彼諸  
衆生乃至無有魔事恐怖何以故是時衆生  
無復亂心煩惱微薄不爲煩惱之所侵迫皆  
常一心念空無相無願法門於是法門發大  
精進修行無量空三昧行無願三昧行無相  
三昧行滅覺觀除睡眠斷掉悔離誼雜常樂  
空閑阿蘭拏處恒乞食但三衣無爲諍絕伴



侶畢竟如是行菩薩行於諸佛法能決定知  
菩薩爲友無復恐怖師子虎狼諸惡猛獸毒  
虫之類終不能害尔時諸魔得菩提已此諸  
世尊及聲聞衆具足功德諸餘衆生不加謗  
毀無能降伏一切外道不能破壞一切衆魔  
不能違反能令衆生滅除恐怖遠離邪道心  
得自在尔時月上菩薩摩訶薩復白放光佛  
言希有世尊不可思議如來具足無量功德  
有大慈悲有大神力一眉間光能多利益佛  
告月上菩薩言善哉善哉汝能善知如來世  
尊智慧功德摩那婆如來如是具足大悲安  
樂利益諸衆生故如來如是成就說法欲令

衆生如說行故於是事中誰能信解唯有諸  
佛及不退轉諸大菩薩摩訶薩等自外一切  
聲聞辟支佛及四種人尚非境界況餘凡夫  
邪見外道生死惡魔行無智道入深黑闇無  
明蔽藏行於非義住顛倒道迷失正路常樂  
非法不孝父母不敬沙門及婆羅門好遊邪  
徑破諸禁戒恒住如是諸不善法迷惑覆心  
習惡邪智一切外道常爲愚癡之所覆蔽不  
能信受諸佛正法又以瞋毒猛火熾然燒故  
於佛法衆不能和敬更相侵迫起諸諍事以  
是因緣速墮地獄畜生餓鬼具受無量百千  
大苦經於無量百千萬世設生人間或生旃



陀羅家或生惡呪師家或生屠宰家或生竹  
作師家或生網捕家或生獵師家若或得生  
有佛法世好與聲聞諸弟子衆恒起鬪諍既  
忿諍已增長惡業便能喪滅諸餘善事是故  
未來多受苦惱

大法炬陀羅尼經三乘行品第四

佛告阿難。今時放光如來復語衆菩薩言。摩  
那婆汝等當念如來十力無有缺減。具足威  
儀不斷。所作善能分別。彼四聖諦方便教誨  
成就。聲聞行亦當善說。六波羅蜜勸進。菩薩  
發行一切波羅蜜心受持。心信修。心行施。精  
進牢固勇猛。無諸虛僞。如是方便入於智門。

汝等亦知三十七種助菩提法方便證得沙  
門果印又於十二因緣法勤修觀行成辟支佛  
或作聲聞如是一切諸法相應不相捨離若  
行辟支佛者此是如來方便教誨顛倒說法  
示現此義是人出於無佛法世獨念思惟十  
二因緣得獨覺涅槃如是獨覺不同如來及

與聲聞何以故是辟支佛思惟因緣得斷疑  
惑不從他聞自然獨悟又唯戒行清淨故專  
求智力求智力故得不放逸到於智岸無諸  
佛法唯戒具足得入涅槃名辟支佛亦時月  
上菩薩復白放光佛言世尊以何義故彼辟  
支佛具足智慧然復不能說法度人既不能



說云何而得於福田中勝聲聞也阿難時放  
光佛告月上菩薩言摩那婆此等過去初發  
心時但取菩提之名而無勇猛不能修行檀  
波羅蜜尸波羅蜜羸提波羅蜜毗梨耶波羅  
蜜禪波羅蜜般若波羅蜜聞思修等悉不能  
行是故不能獲得如是無上菩提何以故於  
此法中初聞菩薩行六波羅蜜而不能行以  
不具行六波羅蜜故於一切菩薩法中不能  
諮問又復不得樂難持戒非持無上大菩提  
戒但持中戒亦非下戒行中法故本願成就  
得中菩提名辟支佛摩那婆是故菩薩常應  
諮問諸佛如來所說法要既聽聞已勇猛修

行何以故菩薩不捨勇猛精進疾證無上大  
菩提故常修多聞發勤方便亦常不捨求諸  
佛法遠離外道勿受邪法莫捨重擔如善馭  
者諸佛世尊所說法門微妙密語應當奉行  
復次摩那婆云何菩薩能入諸佛深秘密藏  
方便說門繫念安住心旣住已然後得入陀  
羅尼門月上菩薩復白佛言世尊云何當入  
陀羅尼門佛言摩那婆我已爲汝說是句義  
如從虛空生諸事業未曾斷絕復應當知阿  
迦二字句義脚足是初方便隨順得入十二  
因緣次第知己彼人雖更識餘法句皆因初  
二摩那婆是陀羅尼方便法門普遍一切汝



等若欲入此法門應當發心於無量法中修  
習無邊善巧方便摩那婆諸佛如來智無有  
礙於此法中云何障礙所謂執著一切諸法  
摩那婆若諸菩薩摩訶薩若欲入彼諸如來  
智先當自捨一切執著亦須遠離諸障礙處  
善巧修行智慧方便阿難尔時放光如來復  
告月上菩薩言摩那婆所言著處及以著者  
謂於諸有不能捨離於無為處未有智慧恒  
念受生及求生處皆是無明作生有根本是  
故我說雖阿那含於生猶著不能遠離摩那  
婆是中何等是大著處所謂不能順教修行  
於餘事中顛倒讚述斯由財事愛取因緣不

得自在違佛正教作不應作於諸境界發起  
貪心貪心生已誑惑他人姪他妻妾復起瞋  
恚瞋恚發已或時煞害斷他命根亦因愚癡  
邪心覆蔽顛倒取法若常樂與極重惡人而  
作伴侶以是因緣造作種種諸不善業或煞  
父母及以師長或害羅漢及諸聖人或毀諸  
佛或謗正法或行破僧造作如是諸惡業已  
生於極惡非人之處墮破戒中何等名為墮  
非人處摩那婆我已為汝略說斯事如彼愚  
人專樂惡業以是因緣生於惡趣是則名為  
非人處也摩那婆智慧之人應當善知諸佛  
如來微密妙語



大法炬陀羅尼經問法性品第五

佛告阿難時彼衆中有一菩薩摩訶薩名曰  
無畏本是醫方救世家子昔常與彼放光如  
來共相親友時放光佛於大衆中直視觀察  
無畏菩薩無畏菩薩既蒙願已遂於佛前偏  
袒右膊右膝著地一心合掌以是世尊未成

佛前同意親善復蒙瞻察是故兢兢於世尊  
所唯增敬重心無疑慮但欲請問放光如來  
修多羅藏法性虛空陀羅尼門甚深義處阿  
難時放光佛知無畏菩薩欲問如是甚深句  
義即告之言無畏汝今何故住在我前心生  
惶懼不速問也阿難無畏菩薩聞佛告已即

白佛言世尊我誠欲問如來大義是以我心  
豫生憂恐何以故於此大衆有諸衆生聞是  
法已於諸佛法不能悟解亦無敬信或起誹  
謗退沒善根世尊我知衆生有如是事故不  
敢問阿難時放光佛復告無畏菩薩言無畏  
汝但諮問如來應供正遍覺出現世間隨汝  
心疑當爲除斷是爲一切諸如來業何以故  
如來正覺慈悲憐愍利益一切諸衆生故以  
是因緣我於往昔行菩薩時爲此法句具受  
衆苦況於今者所作已辦一切諸法明了通  
達得一切智證大菩提唯爲安樂諸衆生故  
阿難尔時無畏菩薩聞佛語已白言世尊如



來今說一切諸法同於虛空應當證知是故  
我今欲問斯義世尊言虛空者義何謂也與  
修多羅一切法門異相云何阿難時放光佛  
告無畏言善哉善哉汝於今日爲求法故於  
佛法中問如是義無畏夫虛空者名爲如來  
亦名應供正遍覺也無畏復問以何義故名  
曰虛空佛告無畏虛空者即無所有以無所  
有故名虛空無畏復言若言如來即虛空者  
如來虛空云何二別佛告無畏是爲大智所  
行境界難知難證若能解知則於法性三世  
平等無復疑惑無畏若欲窮盡陀羅尼門甚  
深源底者如彼大池水性清淨底有金沙與

土泥合時有智人取他底沙隨其多少聚之  
一處以水洗濯簡取精者內於鑪鍋置之火  
中用功陶鍊是人不久必除沙石得淨妙金  
堪任為用彼人亦時隨意造作餘莊嚴具靡  
不充足如是無畏如來世尊應供正遍覺離  
貪瞋癡滅除塵垢一切煩惱及諸習氣成就  
清淨無礙智慧出過一切四生衆生天人大  
衆最為第一世稱上首擊大法鼓口自唱言  
仁等可來汝諸衆生或起疑網無有智慧闍  
於諸法或於世間出世間事不能解了或時  
一切天龍八部乃至無量億劫已來所有疑  
心迷倒失正造作諸業墮墜諸有不能自出



此等速來問佛世尊如來皆能為汝說法明了顯示斷除疑惑復次無畏譬如明鏡見諸色像如是無畏如來世尊無有惡行諂曲煩惱穢濁嫉妬諍競垢汙淤泥染著唯有無礙無邊智慧辯才所可示現言教方便皆為開發世間衆生一切皆從虛空所出住於虛空語言教詔講說談論猶如虛空離諸染著無有住處無有邊際亦無有對及以語言復次無畏若有人來作如是問如是虛空云何可說何處有說誰能為說對何而說以虛空性本來清淨無垢無染離諸障礙無畏如來亦尔無言無對無染無著離諸障礙如此言說

即是入於虛空三昧無畏譬如涅槃本性寂靜假以無量言辭演說求其體相了不可得如是無畏汝所問我虛空義者先已宣說如此說者當知即是如來方便微密法要若知如來微密教者是則名為得大利益汝等當思如來何見說何等法是如來性復說何等

是如來智同於虛空今於如是如來教中方便略說無畏我今復以種種譬喻喻如來智或以涅槃或以實際然而彼智及與涅槃俱無可說無有分別無相無念無名無字去來現在三世皆無乃至世間一切諸法亦同涅槃不可見說當知是中實無凡夫能得知見



言凡夫知者無有是處但諸凡夫以愚癡故  
自心所見言我證知今我已說了義法句及  
無證處如是所說不在彼此不在兩間是平  
等中無證知者既於三世去來現在斯皆平  
等不可證說云何而言是誰所說對何而說  
何處有說云何可說復次無畏如來世尊於  
彼已說汝當觀察言教方便應善思惟既思  
惟已即得成就無量智聚無畏佛智無邊不  
可思議凡所攝受亦不可思議開示言教應  
善分別亦當思惟前所問者即此義也復次  
無畏我今問汝隨汝意答汝謂一切後身菩  
薩從何所來而處胎耶無畏白言世尊我知

菩薩從兜率墮天降入母胎佛言無畏今重  
問汝汝善答我於意云何是後身菩薩從天  
來者有所取法而入胎乎無畏答曰不也世  
尊非取法故入於母胎佛告無畏如是如是  
一切諸法皆無所取但從妄想分別故生汝  
於如是分別法中既以三事請問於我何謂  
爲三一問虛空名義有無二問虛空諸法同  
異三問虛空平等無差無畏如汝所問何者  
虛空如是虛空有依止耶無依止乎無畏復  
問實有虛空可依止耶佛言無畏亦有虛空  
是依止法若凡夫人見有依止若離依止則  
不能知亦不可說有無名字無畏若有虛空



不依事現者則無名字以依事故得有名字  
與事和合入於數相無畏復言世尊何等虛  
空與事和合則有名字入於數中佛告無畏  
汝寧不聞而今此身依止地界地依水界水  
依火界火依風界如是四種及與識界悉依  
空也無畏白言唯然世尊我皆已聞佛言無  
畏是謂虛空依止入於數中此即如來為諸  
凡夫譬喻方便開示教授因於名字令其得  
知是故名為虛空依止復次無畏若智慧人  
思惟觀察而能知者此平等法世間普證但  
有名字如是知已彼諸智人復欲教他令得  
實義摩那婆有智之人應當思惟如來自證

為衆生故說此法門摩那婆我已為汝隨順  
分別應如是知如來方便於我所說受持念  
誦思惟義理如法修行如是修已過去所有  
功德願行皆得增長成就具足所以者何如  
來先已為汝等說一切諸法無有去來是故  
如來所言真實無有虛妄為欲利益諸衆生  
故分別顯示是最勝法隨其所應皆得具足  
若言如來有所言說不能顯示是大乘法願  
行不具者無有是處菩薩應思非我境界復  
次摩那婆如虛空界名曰可行衆生依住如  
彼衆鳥飛行虛空翱翔自在如履於地雖以  
翅力及風因緣往來遊處而跡不可得摩那



婆復有衆生依空界住如須彌山頂三十三  
天已上諸天宮殿皆依於空而得安住乃至  
兜率他化自在欲界諸天所有宮殿依空亦  
尔摩那婆如彼色界從梵天住處乃至色究  
竟天依於空住亦復如是摩那婆如我略說  
自此已上盡於有頂名無色界從有頂外無  
有依止虛空行者唯有一種別風輪界厚六  
十八千由旬過是以往更有空界即是二界  
中間亦無依處摩那婆從是已上復有風輪  
名曰不動厚六十四俱致百千由旬任持水  
界彼風輪界無有衆生往來依處何以故彼  
空及風各不動搖故而彼空界不可見知無

有名字不可得說摩那婆汝今當知我所說  
法如彼虛空無有異也復次摩那婆譬如  
人夜中闇坐執持弓箭漫射虛空以闇發故  
不知方所如是如是摩那婆一切凡夫愚無  
慧目又不師受雖修業行無諸方便不得成  
就亦復如是摩那婆又如生不學射雖擬墀  
堦的尚不能中況前無堦去何言著摩那婆  
是諸凡夫於甚深法自心分別捨離師諮不  
能解悟亦復如是摩那婆汝前問我三種義  
者所謂虛空平等諸法此三種法雖難說聞  
我知是處有所依止亦非依止摩那婆汝問  
諸法平等今當解釋汝應善思前以譬喻顯



示虛空諸有智者知此譬喻言教方便示現  
平等遠離依止言說分別故又如空界無邊  
佛法亦尔如是法界皆依平等無有別異如  
彼虛空無有依處法與非法亦無依處當知  
是中悉皆平等彼虛空譬方便示現此乃但  
爲智者所知非是一切凡夫境界彼諸凡夫  
執取一相不善分別不能了達妄想取故智  
慧之人於此深法乃能了知作利益故而諸  
凡夫妄生執著於深佛法不信不解不諮智  
人於世間事妄起分別執著不捨所謂此即  
是地是水是火是風等如是乃至分別取著  
諸天宮殿住處往來及取地天諸龍夜叉緊

那羅摩睺羅伽地居之類又亦分別諸佛如  
來初成道時大聲說法彼等聞已即於地中  
發大聲言佛生說法天人增道其聲上徹色  
究竟天皆說如來轉法輪事摩那婆世間之  
人以愚癡故執著此事著是事已如乘空輪  
作大車想凡夫取著其事若此復次摩那婆  
譬如有人希求射術無師就學雖苦身心終  
不成藝如是摩那婆三法亦尔若不方便施  
功修集難可證知摩那婆如是三法如來若  
說終無有盡若一劫若十劫若百劫若干劫  
若無量劫亦無有盡如來於此劫數時節多  
少增減隨意欲說種種名字種種義味即能



解說然於如來口業言教亦無有減此三句  
義爲是億數諸菩薩等得受持故是句義處  
如來或時於一句中能以無量種種名義差  
別解說若此法句及所攝義乃至字本所有  
出生語言音聲是色法者假令於是三千大  
千世界盡除土地山石草木東西南北上至  
有頂悉爲虛空不能容受設此世界滿中芥  
子有時取一盡諸芥子以如來辯演說一句  
亦不能盡乃至少分摩那婆汝等當知此一  
句義陀羅尼門其有必能善受持者於一彈  
指頃盡能分別摩那婆此句義門終亦不可  
以言說盡假使無量衆生起種種問然是菩

薩盡分別荅喻如流水以心不亂故此陀羅  
尼名爲大事能爲一切諸法根本故言陀羅  
尼此一法句出無量句是大捺持通說諸義  
何以故欲令一切衆生易受解故又以一句  
難解知故引多譬喻方便言辭令人得悟如  
是諸法悉不可見自體本空遠離語言故摩

那婆若諸菩薩初發大心欲行大事大事者  
謂大乘法然此菩薩空發其心不問不修終  
無成辦摩那婆如行聲聞乘者雖聞三十七  
助菩提法無意念修即自唱言我得羅漢所  
作已辦如是摩那婆若有欲行佛法事者應  
發是心如須弥山安住不動隨順修行



大法炬陀羅尼經菩薩行品第六

阿難。爾時無畏菩薩復白放光。如來應供。正遍覺言。快哉。世尊。大慈愍我。及餘未學諸衆生等。如我無異。世尊。我等頻重諮問。是義如來悲愛教誨我等。猶如父母。然我今者於佛所說。更加尊重。不敢毀謗。爾時放光。如來告無畏言。如是如是。摩那婆。如汝所說。若有菩薩於如來所起尊敬心。不斷絕者。一切世間天人衆等。於是菩薩亦深敬重。如是菩薩於我法中。大弘利益。何以故。如是菩薩住諸佛法。順於佛教。當來之世。大作佛事。是故如來知此菩薩爲佛法器。堪受一切諸佛記證。方

便令彼速得成熟無畏菩薩復白佛言世尊  
所言極愛義何謂也佛言摩那婆我言極愛  
即是顯示哀愍世間無救衆生教入佛法令  
不斷絕以是義故如來說言是爲大事是大  
重擔無畏復問菩薩久如當捨此擔佛言無  
畏此菩薩作是念我要當今一切衆生度生  
死海入無餘涅槃若衆生盡者此擔方息無  
畏復問所言重擔若同世間頂戴背負則可  
見知今不如是去何可信佛言摩那婆如汝  
所言在項髀者是謂世間愚夫力負非菩薩  
擔菩薩擔者誓願荷負一切衆生出離世間  
非項背也無畏復問悲願荷負旣非項髀以



何義故名之爲擔佛言摩那婆如東方一切  
無邊世界所有衆生菩薩發心荷負悉當今  
入無餘涅槃南西北方四維上下盡虛空界  
所有衆生菩薩安處亦復如是摩那婆十方  
所有諸衆生界若現不現菩薩皆令住涅槃  
中以是因緣名之爲擔無畏復問以何義故  
復名荷負佛言摩那婆譬如長者家內豐饒  
多諸珍寶種種資財倉庫充溢具足僮隸唯  
有一子然彼長者於是子所心常愛念終不  
暫捨見其所爲亦無違逆以愛念故財寶樂  
具悉給與之無有疲倦如是摩那婆菩薩摩  
訶薩憐愍衆生亦復如是一切樂具盡皆與

之乃至今入無餘涅槃是故名爲荷負重擔  
如是菩薩愍諸衆生行大精進亦令衆生行  
菩薩事速疾成熟諸波羅蜜亦滿自身精進  
莊嚴無畏復問何謂成熟佛言摩那婆所言  
成熟者是謂菩薩於諸衆生起大慈悲與究  
竟樂離自憂惱是名成熟又於諸佛不生謗  
毀常加讚歎亦名成熟無畏復曰若如是者  
諸佛如來於衆生中最爲殊勝皆由憐愍諸  
衆生故佛告摩那婆我言成熟者謂於一切  
善法具足圓滿乃名成熟摩那婆譬如陶師  
欲造諸器先取好土雜以石沙用水和治手  
揉足踐令泥精熟堪任爲器置諸輪上執杖



轉輪極令迅急以手搏拍隨作何器坏皆成  
就何以故以泥先調故而彼陶師將諸器坏  
或置日中或在陰處漸令乾燥然後更以雜  
色塗之暴令牢實或積陶中若聚平地兼取  
薪糞晝夜焚燒於是陶師與其眷屬周遍觀  
察遮共防守不令惡人挾持青豆及以胡麻  
擲置陶中毀壞諸器比達天明火勢方盡器  
皆成熟此時陶師方大歡喜却坐思念衆器  
得成我事已辦如是摩那婆如來常教諸菩  
薩等次第修行六波羅蜜欲令成熟亦復如是

彼

大法炬陀羅尼經卷第二

右 膊 下音膊也 微 薄 下作薄正 掉 悔 上反 徒 吊 誼 雜 上

園 反也 阿 蘭 拏 下練若此云寂靜處 殼 藏 反上 角

聲 去也 邪 徑 反下 古 定 綱 捕 下音步 獵 師 上反 良 彘 一

提 二上 初 眼 初 鴈 善 馭 魚 去 反 兢 居 慎 陵 反 輒 上 反 良 彘 一

洗 濯 下音 鑪 鍋 上音 盧 下 古 和 釜 也 正 陶 鍊 上

陶 批 下 銀 鍊 也 淤 泥 於 教 詔 照 古 孝 訓 導 之 音

謂 翺 翔 飛 上 吾 高 反 下 音 祥 徊 翔 翅 音 施 去 也 漫

射 半 上 莫 塹 的 射 上 珠 音 准 塚 射 徒 果 反 充 溢 下 翼 夷 也 一

僮 隸 僕 下 琴 帝 反 陶 師 燒 上 音 樵 匠 一 揉 音 柔 滿 也 又

踐 賤 迅 私 問 搏 拍 上音 搏 坏 燒 反 回 反 袖 反 又

乾 燥 下 蘇 老 暴 令 乾 也 蒲 木 反 日 遍 更 第 挾 持

帖 上 反 胡 乾 一 暴 令 乾 也 蒲 木 反 日 遍 更 第 挾 持





